

故宮博物院藏

四庫

全書

撤出本

彙編

第十三冊

故宮博物院編

故宮出版社

第十三册 目錄

南北史合注卷九十三—卷九十八 一

卷九十三 三

卷九十四 一〇五

卷九十五 一七三

卷九十六 二五三

卷九十七 三八一

卷九十八 四九三

欽定四庫全書

史部

南北史合注卷九十三

帛三分

欽定四庫全書

南北史合注卷九十三

明 李清 撰

北史七

齊本紀中第七
齊祖文宣皇帝子洋字子進神武第二子文襄母弟也
幼時明太后孕顯祖每夜有赤光照室私怪之及產命
之曰侯尼于鮮卑言有相子也以生於晉陽一名晉陽
樂時神武家徒壁立后與親姻相對共憂寒餒顯祖生



始數月尚未能言欬然曰得活太后及左右大驚不敢
言及長黑色大頰兌下鱗身重蹠瞻視審定不好戲弄
深沈有大度晉陽有沙門乍愚乍智時人不測呼阿禿
師太后見諸子歷問祿位至顯祖再三舉手指天而已
口無所言見者異之神武嘗從諸子過鳳陽門有龍在
上唯神武與顯祖見之內雖明敏貌若不足文襄每嗤
之曰此人亦得富貴相法何由可解神武以顯祖貌陋
神彩不甚發揚曾問以時事顯祖略有所辨儻語一事

必得事衷又嘗令諸子理亂絲顯祖獨抽刀斬之曰亂者須斬神武以為然又各配兵四出而使彭樂率甲騎偽攻之文襄等怖撓顯祖勒衆與彭樂相對格免胄言情猶擒以獻神武稱異之謂長史薛琬曰此兒意識過吾琬亦私怪之幼時師事范陽盧景裕默識過人未嘗有所自明景裕不能測也天平二年封太原郡公累遷尚書左僕射後從文襄行過遼陽山公獨見天門開餘無見者武定五年神武殂猶秘凶事衆情疑駭公內嬰

巨痛外若平常人情頗安天子授公尚書令中書監京
畿大都督七年八月文襄遇害公在城東雙堂事出倉
卒內外震駭公神色不變指麾部分自鬻斬蘭京等漆
首秘不發喪徐言奴反大將軍被傷無大苦也內外無
不驚異乃諷天子立皇太子因大赦遂赴晉陽總庶政
公內雖明察外若不了老臣宿將皆輕公公推誠接下
務從寬厚事有不便者咸蠲省焉羣情始服八年正月
戊辰詔進公位使持節丞相都督中外諸軍錄尚書事

大行臺齊郡王食邑一萬戶三月庚申又進封齊王食
冀州之勃海長樂安德武邑瀛州之河間五郡邑十萬
戶王自居晉陽寢室每夜有光如晝既為王夢人以筆
點已額旦日以語館客王曇首曰吾其退乎曇首拜賀
曰王上加點為主當進也五月辛亥王如鄴光州獲九
尾狐以獻甲寅天子遣兼太尉彭城王韶司空潘相樂
奉冊進王位相國總百揆以冀州之勃海長樂安德武
邑瀛州之河間高陽章武定州之中山常山博陵十郡

邑二十萬戶加九錫殊禮齊王如故

北齊書載冊命曰於戲敬聽朕命夫惟天為大列尋
宿而垂象謂地蓋厚疏川岳以阜物所以四時代序
萬類駢羅庶品得性羣形不夭然則皇王統歷深視
高居拱穆垂衣寄成師相此則夏伯殷尹竭其股肱
周成漢照無為而治頃者天下多難國命旣旒則我
建國之業將墜於地齊獻武王奮迅風雲大濟難危
爰翼朕躬國為再造經營庶土以至勤憂及文襄承

構逾廣前業康邦危難道格穹蒼王縱德應期千齡
一出惟機惟深乃神乃聖大崇霸德實廣相猷雖冥
功妙實藐絕言象標聲示迹典禮宜宣今申後命具
敬虛受王搏風初舉建旗上地庇民立政時雨滂流
下識廉耻仁加水陸移風易俗自齊變魯此王之功
也仍攝天臺摠參戎律策出若神威行朔土引弓竄
跡松塞無烟此又王之功也逮光統前緒持衡匡合
華戎混一風海調夷日月光華天地清晏聲接響隨

無思不偃此又王之功也逝矣炎方逋違正朔懷文
曜武授畧深規淮楚連城摧然柔落此又王之功也
關峴襟帶跨躡蕭條腸胃之地岳立鷗峙偏師纔指
渙同氷散此又王之功也晉熙之所險薄江雷迴隔
聲教迷方未改命將鞠旅覆其巢穴威畧風騰傾懾
南海此又王之功也羣蠻跋扈世絕南疆搖蕩邊陲
亟為塵梗懷德畏威向風請順傾輒盡落其至如雲
此又王之功也胡人別種延蔓山谷酋渠萬旅廣袤

千里憑險不恭恣其桀黠有樂淳風相攜叩欵粟帛
之調王府克積此又王之功也茫茫涉海世敵諸華
風行鳥逝倏來忽往既飲醇醪附同膠漆氊裘委佩
奇獸銜尼此又王之功也秦川尚阻作我仇讐爰挹
椒蘭飛書請好天動其衷辭畀禮厚區宇乂寧遐邇
畢至此又王之功也江陰告禍民無適歸蕭宗子弟
尚相投庇如鳥還山猶川赴海荆江十部俄而獻割
乘此會也將混來方此王之功也天平地成率土咸

茂禎符顯見史不停筆既連百木兼呈九尾素過
秦雀蒼比周烏此又王之功也搜揚管庫衣冠獲序
禮云樂云銷沈俱振輕徭徹賦矜獄寬刑大信外彰
深仁遠洽此又王之功也王有安日下之大勲加以
表光明之盛德宣贊洪猷以左右朕言昔旦奭外分
毛畢入佐出內之任王宜摠之人謀鬼謀兩儀協契
錫命之行義申公道以王踐律蹈禮軌物蒼生圓首
安志率心歸道是以錫王大路戎路各一玄牝二駟

王深重民天惟本是務衣食之用榮辱所由是用錫
王衮冕之服赤舄副馬王深廣惠和易調風化神祇
且格功德可象是用王軒懸之樂六佾之舞王風聲
振赫九域咸綏遠人率俾奔走委賁是用錫王朱戶
以居王求賢選衆草萊以盡陳力就列罔非其人是
用錫王納陛以登王英圖猛槩抑揚千品毅然之節
肅是非違是用錫王武賁之士三百人王興亡所繫
制極幽顯紂行天討罪人咸得是用錫王鈇鉞各一

王鷹揚豹變實扶下土狼顧鴟張罔不彈射是用錫
王彤弓一彤矢百盧弓十盧矢千王孝悌之至通於
神明率民興行感達區宇是用錫王秬鬯一卣珪瓚
副焉往欽哉其祗順往冊保弼皇家用終爾休德對
揚我太祖之顯命

丙辰天子遜位別宮

北齊書曰魏帝以天人之望有歸下詔曰三才剖判
百王代興治天靜地和神敬鬼庇民造物感自靈符

非一人大寶實有道神器昔我祖宗應運奄一區宇
歷聖重光暨於九葉德之不嗣仍離屯圯盜名字者
遍於九服擅制命者非止三公主殺朝危人神靡繫
天下之大將非魏有賴齊獻武王奮揚靈武剋翦多
難重懸日月更綴星辰廟以掃除國由再造鴻勲巨
業無德而稱逮文襄承構世業逾廣邇安遠服海內
晏如國命以康生生得性迨相國齊王緯文經武統
率大業盡獻窮幾研深測化思隨冥運智與神行恩